

四庫全書

子部

欽定四庫全書

子部

欽定授時通考卷六十四

六至

詳校官中書

臣實汝翼

編修

臣倉聖脈覆勘

總校官編修

臣

王燕緒

校對官檢討

臣

季學錦

膳錄監生

臣

左熙世

繪圖監生

臣

董椿

欽定四庫全書

欽定授時通考卷六十四

農餘

果二

棗

酸棗

柿

裨柿

軟柿

木瓜

模樗

安石榴

栗

石栗

榧

榛

松子

核桃

銀杏

棗



棗

棗一名木蜜皮麤葉小面深綠色背微白發芽遲五月
開小花淡黃色花落即結實生青不堪食漸大漸白至
微見紅絲即堪生啖熟則純紅味甚甘王禎農書云
南北皆有然南棗堅燥不如北棗肥美生於青齊晉絳
者尤佳能開胃健脾可久留生熟皆可食多食生熱令
人齒黃病齲齒

詩豳風八月剝棗

禮記內則棗曰新之

疏棗易有塵埃恒治拭之使新

左傳女贄不過榛栗棗脩以告虔也

疏取其早起者也

齊民要術旱澇之地不任稼穡者種棗則任矣

羣芳譜種類甚多有壺棗

爾雅云棗壺棗註云今江東呼為棗大而銳上者為壺壺

猶瓠也

鹿盧棗

爾雅云邊要棗註云子細腰今謂之鹿盧棗

白棗

爾雅云擠白棗註云即今

棗子白乃熟

揚徹齊棗

見爾雅註云未詳

羊棗

爾雅云遵羊棗註云實小而圓紫黑色今

俗呼之為
羊矢棗

大棗

爾雅云洗大棗註云今河東
齊氏縣出大棗子如雞卵

蹶洩棗

爾雅

云蹶洩苦棗
註云子味苦

無實棗

爾雅云暫無實棗
註云不著子者

還味棗

爾雅云
還味棗

棗註云還
味短味

威咨棗

一名大白
核小肌肥

穀城紫棗

長二寸

西王母棗

大如李核三月
熟在衆果之先

夏白棗

出洛陽

墟棗

出汲郡一
名安益棗

信都大棗

梁國夫人棗三星棗駢白棗灌棗狗牙棗雞心棗牛頭

棗獼猴棗夕棗崎廉棗

以上十六名
並出廣志

棠棗玉門棗

並出
西京

襍記樂氏棗

齊民要術云出青州豐肌細核多膏肥美為
天下第一相傳樂毅破齊時從燕來齊所種

也羊角棗

詳見後
鄴中記

御棗

味最美
出安邑

窑坊棗

味佳出應天
府窑坊門內

無

核棗

實小核僅有形食之不覺出青城縣

氏棗木棗丹棗鶴珠棗

出天台閭閻真

人以致

元帝

又分栽選味佳者留作栽候葉始生取大棗傍條二三尺高者移種棗性硬其生晚芽未出移恐難出三步一行行欲相當如本年芽未出弗遽刪除諺云棗樹三年不算死亦有久而後生者

又修樹每元旦日未出時反斧斑駁推之謂之嫁棗不推則花而不實斫之則子萎而落候大蠶入簇以杖擊

其枝間振去狂花則結實多

又收棗棗全赤即收撼而落之為上半赤而收者肉未
充滿乾則色黃而皮皺將赤味亦不佳全赤久不收則
皮硬復有鳥雀之患一法將纔熟棗乘清晨連上枝葉
摘下弗損傷通風處晾去露氣簡新缸無油酒氣者清
水刷淨火烘乾待冷取淨稈草曬乾候冷一層草一層
棗入缸中封固可至來歲猶鮮

又曬棗先治地令淨有草則令棗具駕箔椽上以無齒

木扒聚而散之日二十度乃佳夜不必聚得霜露氣速成如有雨則聚而苦之五六日選其紅軟者上高厨暴之腴爛者去之否則恐壞餘棗其未乾者曝曬如法又作乾棗新菰蔣露於庭以草鋪上厚三寸覆以新蔣凡三日撤覆露之畢日曝取乾納房中每一石以酒一升漱著器中密泥之可以經數年不壞

酸棗

附

羣芳譜酸棗一名棗小而圓如芡無大樹實生青熟紅

皮薄核大仁堪入藥生用令人不眠雙仁者勿用取紅
軟者箔上曬乾納釜中水僅掩棗煮一沸即漉出入盆
研布絞取濃汁塗器上日曝使乾取為末一碗投方寸
匕遠行用以和米炒其味酸甘解飢渴最妙

柿 樹



柿

柿赤實果也樹高大枝繁葉大圓而光澤四月開小花

黃白色結實青綠色八九月乃熟紅柿皮深紅而多核所在皆有黃

柿生汴洛諸州朱柿出華山似紅柿而圓小皮薄可愛味更甘珍著蓋柿蒂下別有一層

牛心柿狀如牛心蒸餅柿狀如市賣炊餅八稜柿大而稍扁劍南尤溪柿處州松陽柿

尤為奇品塔柿大於諸柿去皮挂木上風乾之佳

種樹書柿樹接桃枝則為金桃柿子接及三次則全無

核

羣芳譜種類甚多大者如櫟其次如拳小者如鹿心鴨
子雞子生者澀不堪食其核形扁狀如木鱉子而堅根
甚固謂之柿盤世傳柿有七絕一多壽二多陰三無鳥
巢四無蟲蠹五霜葉可玩六佳實可啖七落葉肥大可
以臨書多食引痰日乾者多食動風同蟹食腹痛作瀉
食柿飲熱酒令人易醉或心痛欲絕

柗柿

附

柗柿一名漆柿一名綠柿一名青柗一名烏柗一名花

瓜木



木瓜

木瓜一名楸

爾雅云楸木瓜註云木瓜實如小瓜酢而可食本草云木瓜之名取此義也

一名

鐵腳梨

清異錄云木瓜性益下部若脚膝筋骨有疾者必用焉故方家號為鐵腳梨

樹如柰

叢生枝葉花俱如鐵腳海棠可種可接可以條分葉光

而厚春末開花紅色微帶白作房實如小瓜或似梨稍

長皮光色黃上微白如著粉津潤不木者為木瓜香而

甘酸不澀食之益人醋浸一日方可食生不堪噉處處

有之山陰蘭亭尤多而宣城者為佳本州以充土貢故

有宣州花木瓜之稱西洛木瓜味和美至熟青白色入藥絕有功勝宣州者味淡性酸溫無毒去濕和胃強筋骨治脚氣霍亂大吐下轉筋不止枝葉根皮煮汁飲並止霍亂吐下轉筋療脚氣枝作杖利筋脈核治霍亂煩燥氣急花治面黑粉滓

羣芳譜種法秋社前後分其條移栽次年便結子勝春栽者

槁樗

附

羣芳譜模樗一名瘙樗一名木李一名木梨木葉花酷
類木瓜但比木瓜大而色黃李時珍曰乃木瓜之無重
蒂者也

安石榴



安石榴

安石榴

種出安石國故名

一名若榴

廣雅云若榴石榴也丹實垂垂若贅瘤也

一名

金罌

筆衡云吳越王錢鏐改榴為金罌

有甜酸苦三種單葉者旋開花

旋結實花托即榴不結者托尖小千葉者不結實甜者

甘溫澀無毒可食潤燥制三尸蟲理乳石毒但性滯戀

膈多食生痰損肺黑齒服食家忌之酸者性溫澀無毒

兼收斂之氣只堪入藥陳久更良榴實圓如毬頂有尖

瓣大者如杯皮赤色有黑斑點皮中如蜂巢有黃膜隔

之子如人齒白者似雪淡紅者似水紅寶石紅者如硃

砂淡紅潔白者味甘紅者味酸秋後經霜則實自裂有

富陽榴

實大者如碗

海榴

樹僅二尺栽盆中結實亦大直垂至盆堪作美觀

黃榴

結實

甚多最易傳種

河陰榴

瑣碎錄云河陰出榴名三十

酉陽雜俎南詔石榴皮薄如藤紙味絕於洛中

本草水晶榴

子白瑩徹如水晶味亦甘

苦石榴

抱朴子云生積石山或云即山石榴也


山石榴

形類榴而小不作房生青齊間蜜漬以當菓甚美

廣羣芳譜石榴不結子者以石塊或枯骨安樹叉間或

根下則結子不落

栗



栗

栗木高三丈極類櫟四月開花青黃色長條似胡桃花
實有房彙大者若拳小者若桃李苞生外殼刺如蝟毛
其中著實或單或雙或三四少者實太多者實小實有
殼紫黑色殼內膜甚薄色微紅黑外毛內光膜內肉外
黃內白八九月熟則苞自裂而實墜宣州及北地所產
小者為勝陸璣詩疏曰栗五方皆有周秦吳揚特饒惟
漁陽及范陽生者甜美長他方不及本草圖經云充

州宣州最勝燕山栗小而味最甘蜀本圖經云板栗錐

栗芋栗

似板栗而細如橡子其樹雖小葉亦不殊但春生夏花秋實冬枯為異綱目云即爾雅所謂栲

栗也一名栲栗可炒食之

衍義云湖北有一種旋栗

頂圓末尖即榛栗象榛子形也

詩鄘風樹之榛栗

禮記內則栗曰撰之

疏栗蟲好食數數布陳撰省視之

夏小正八月栗零

傳零也者降也降而後取之也

齊民要術栗種而不栽栽雖活尋死栗初熟離苞即於
屋內埋濕土中埋須深勿令凍路遠者以革囊盛之停
三日以上及見風日則不可作種至二月芽生出而種
之芽向上乃生根既生數年不用掌近三年內每到十
月常須草裹至二月漸解不裹則易至凍死仍用籬圍
之其實方而圓者他日結子豐滿樹高四五尺取生子
樹枝接之

種樹書採栗時要得披殘明年其枝葉益茂

石栗 附


客燕雜記京師佳果栗三霜前栗盤古栗鷹爪栗種類頗多總之味鹹氣溫無毒主益氣厚腸胃補腎氣治腰脚無力破瘰癧理血當中一子名栗楔治血更有效生則動氣熟則滯氣唯曝乾或火煨汗出食之良百菓中最有益者小兒不宜多食難尅化患風水病者忌以味鹹也

南方草木狀石栗樹與栗同但生於山石罅間花開三

年方結實其殼厚而肉少其味似胡桃仁



榧



榧

榧一名被子一名赤果一名玉榧一名玉山果生永昌以信州玉山者為佳本地人呼為野杉木大者連抱高數仞其木有雄雌雄者花而雌者實其木形如栢木理似松細軟堪為器用葉似杉冬月開黃圓花結實如棗核大如橄欖無稜而殼薄黃白色其仁肉白外有一層黑麤衣小而心實者尤佳一樹可下數十斛味甘平澀無毒治五痔去三蟲輕身明目煮素羹味更甜美同甘

蔗食其滓自軟猪脂炒樞黑皮自脫性熱同鷄肉食令人上壅生斷節風同綠豆食殺人忌火氣

爾雅翼被實去皮殼可生食亦煖而收之可以經久

本草會編一種麤樞其木與樞相似但理麤色赤其子稍肥大頂圓不尖

羣芳譜收藏以盛茶舊磁甕收之經久不壞欲種以二月下子



榛



榛

榛

古作乘本草云從辛從木俗作莘者誤

生遼東山谷樹高丈餘子如小

栗李時珍曰榛樹低小如荆叢生冬末開花如櫟花成

條下垂長二三寸二月生葉如初生櫻桃葉多皺文而

有細齒及尖其實作苞三五相黏一苞一實實如櫟實

上壯下銳生青熟褐殼厚而堅仁白而圓大如杏仁亦

有皮尖然多空者諺曰十榛九空陸璣詩疏云榛有兩

種一種大小枝葉皮樹皆如栗而子小形如橡子味亦

如栗枝莖可以為燭詩所謂樹之榛栗者也一種高丈餘枝葉如水蓼子作胡桃味遼代上黨甚多久留亦易油壞種法與栗同味甘平無毒益氣力實腸胃調中不饑健行甚驗遼東榛軍行食之當糧榛之為利亦大矣禮記曲禮婦人之贊棋榛脯脩棗栗

註榛實似栗而小關中廊坊甚多

松子



松子

松子本草云松實狀如豬心疊成鱗砌秋老則子長鱗裂惟遼海及雲南者謂之海松子馬志曰海松子狀如小栗三角其中仁香美當果食之亦代麻腐食之與中國松子不同蘇頌曰松歲久則實繁中原雖有小而不及塞上者佳好也吳瑞曰松子有南松北松華陰松形小殼薄有香新羅者肉甚香美李時珍曰海松子其樹與中國松樹同惟五葉一叢者毬內結子大如巴豆而



有三稜一頭尖爾馬志謂似小粟殊失本體

東坡雜記十月以後冬至以前松實結熟而未落折取并萼收之竹器中懸之風道未熟則不生過熟則隨風飛去至春初敲取其實以大鐵鎚入荒茅地中數寸置數粒其中得春雨自生自採實至種皆以不犯手氣為佳松性至堅悍然始生至脆弱多畏日與牛羊故須荒茅地以茅陰障日若白地當雜大麥數十粒種之賴麥陰乃活須護以棘日使人行視三五年乃成五年之後

乃可洗其下枝使高七年之後乃可去其細密者使大
大略如此

桃核



核桃

核桃一名胡桃一名羌桃樹高丈許春初生葉長三寸
兩兩相對三月開花如栗花穗蒼黃色結實如青桃九
月熟時漚爛皮肉取核內仁為果北方多種之以殼薄
仁肥者為佳廣志云陳倉胡桃薄皮多肌陰平胡桃大
而皮脆急促則碎味甘氣熱皮濇仁潤治痰氣喘嗽醋
心及厲風諸病今往往以之下酒則昔人所云食多動
風動痰令人惡心脫鬚眉及同酒多食咯血者妄也或


素有痰火積熱者不宜多食耳大抵留皮則消滯去皮則養血潤血微和鹽食更佳能通命門利三焦益氣養血與破故紙為補下焦腎命之要藥

羣芳譜種植選平日實佳者留樹上勿摘俟其自落青皮自裂又揀殼光紋淺體重者作種掘地二三寸入糞一碗鋪片瓦種一枚覆土踏實水澆之冬月凍裂殼來春自生下用瓦者使無入地直根異日好移栽也

便民圖要以粗布袋盛挂風面處則不膩收松子亦用

此法

銀杏



銀杏

銀杏一名白果一名鴨腳子

本草云葉似鴨腳故名宋初入貢改呼銀杏因其形

似杏而核色白也

處處皆有以宣城為盛樹高二三丈或至連

抱可作棟梁葉薄縱理儼如鴨掌面綠背淡二月開花
成簇青白色二更開旋即卸落人罕見之一枝結子百
十狀如小杏經霜乃熟色黃而氣臭爛去肉取核為果
其核兩頭尖中圓大而扁三稜為雄二稜為雌其仁嫩
時綠色久則黃其樹耐久肌理白膩術家刻符印云

能召使鬼神氣味甘微苦平澀無毒生食解酒降痰消
毒殺蟲熟食溫肺益氣定喘嗽搗汁浣衣去油膩食多
壅氣臃脹昏頓三元延壽書言白果食滿千顆殺人昔
有歲飢以白果代飯食飽次日皆死小兒食多昏霍發
驚引疳同鰻食患軟風

墨客揮犀銀杏葉如鴨脚獨窠者不實偶生及叢生者
乃實

羣芳譜種植須雌雄同種其樹相望乃結實或雌樹臨

水照影亦可或於雌樹鑿一孔納雄樹木一塊以泥之
亦結子

又移栽春分前後先掘深坑水攪成稀泥然後下栽子
掘時連土繩縛牢不令散碎則易活

又熟時以竹篾箍樹本擊篾則銀杏自落

欽定授時通考卷六十四

欽定四庫全書

欽定授時通考卷六十五

農餘

果三

荔枝 錦荔枝

龍眼 山龍眼 龍荔

橘

柑 佛手柑

橙

香椽

金橘

金豆

柚

枳

枸橘

橄欖

木威

餘甘子

椰子

無花果

文官果

荔枝



荔支

荔支一名丹荔一名離支樹高數丈自徑尺至於合抱
形圓圍如帷蓋葉如冬青綠色蓬蓬四時常茂花青白
開於二三月狀如橘又若冠之蕤綏五六月結實喜雙
狀如初生松毬核如熟蓮子殼有皺紋如羅生青熟紅
肉淡白如肪玉味甘多汁夏至將中翕然俱赤大樹每
下子百斛五六月盛熟時彼地皆燕會其下雖多食亦
不傷人覺熱以蜜漿解之或以殼浸水飲亦佳初出嶺

南及巴中今閩之泉福漳興蜀之嘉蜀渝涪及二廣州郡皆有之以閩中為第一蜀次之嶺南為下其類有陳

紫

出著作郎陳琦家品為第一譜云其樹晚熟其實廣上而圓下大可徑寸有五分香氣清遠色澤鮮紫殼

薄而平瓢厚而瑩膜如桃花紅核如丁香母剝之凝如水精食之消如絳雪其味之至不可得而名狀也荔支以甘為味雖百千樹莫有同者過甘與淡失味之中惟陳紫之於色味香自拔其類此所以為天下第一凡荔支皮膜形色一有類陳紫則已為中品若夫皮厚尖刺肌理黃色附核而赤食之有查食已而澀雖無酢味自亦下等矣

大紫

種似陳紫實大過之

小陳紫

實比陳紫差小又時有櫛核者因而得名

方紅

徑可二寸色味俱美歲生一二百顆而已出興化屯田郎中方臻家

宋公荔支

實如陳紫而小甘美

亦如周家紅初為第一及陳紫龍牙長可三四寸彎曲如爪牙無核然不

有常游家紫種出陳紫實大過之水荔支漿多而淡以上藍家紅泉州

第一出都官買外藍承家法石白出法石院色白其大次於藍紅江綠類陳紫差大獨香薄而味

少酸以上一品紅於荔支為極品生大丁香殼厚色紫味微澀出天慶

觀綠核頗類江綠色丹而小荔支核紫而此核獨綠將軍荔支五代時有此官種之因以

得朱柿色朱如柿而大虎皮色紅絕大繞腹有青紋類虎皮牛心以狀名之長二寸餘皮厚

肉玳瑁紅色紅有黑點類玳瑁出城東硫黃以色類硫黃故名以上出福州何家紅

出漳州何氏圓丁香丁香荔支皆旁蒂大而尖脫此獨圓而香味尤勝十八娘色深紅而

細長閨王有女行十八好食此因每朵數十蕙團並蒂雙垂釵頭

得名或云物之美少者為十八娘並蒂雙垂顯顯紅而小珍珠荔支團白如珠無核粉紅荔支荔支

比以色亦可施頭髻丁香荔支核小如丁香蜜荔支以甘為名火山

荔支木出南越四月熟味甘秋元紅實時最晚蚶殼殼

深渠如瓦屋酸肉薄閨中近年僅有蒲桃荔支一穗至二三百顆以又有綠色

馬以狀得名上見蔡襄荔支譜蠟色皆品之奇者自蔡襄以後鄭熊徐煥鄧慶案諸人

各為之譜競立新名標奇炫異或言姓氏或言州郡皆

識其所出王敬美曰荔支以狀元香為最然不如長樂

勝畫肉厚而味甘當為種中第一第乾之不能如狀元
香風味楓亭驛荔支甲天下無論丹實纍纍而樹亦婆
娑可愛在漳泉者四五月熟然肉薄味酸能損齒又云
荔支以興化之楓亭驛為最長樂次之性甘微熱止渴
益智健氣病齒及火病人最忌

夢溪筆談閩中荔支核有小如丁香者多肉而甘土人
亦能為之取荔支木去其宗根仍火燔令焦復種之以
大石抵其根但令旁根得生其核乃小種之不復芽

徐勣荔枝譜荔枝入土種者氣薄不蕃雖蕃不結子間
有成樹者經十餘歲稍稍結果肉酸澀無味鄉人於清
明前後十日內將枝梢刮去外皮一節上加膩土用棕
裹之至秋露枝上生根以細齒鋸從根處截下植之他
所勿令動搖三歲結子纍然矣如接枝之法取種不佳
者截去元樹枝莖以利刃微啟小隙將別枝削鍼插固
隙中皮肉相向用樹皮封繫寬緊得所斟酌裹之凡接
枝必待時暄蓋欲藉陽和之氣一經接搏二氣交通則

轉惡為美矣若近海魚鹽之處斥鹵土鹹其味微酸不佳縱奪接之終不能以彼易此也

又荔性宜熱最畏高寒古樹歷數百年者枝柯詰屈根幹盤旋其陰可蔽數畝歲久根深縱霜霰侵壓不過葉悴可無損於樹當春仍發新葉開花結實至於新種不歷十數年者樹穉根淺一遇霜霰隨即枯萎明年不復花實鄉人有愛其樹者當極寒時樹下以稻草煨火溫之寒氣不侵葉無凋損秋冬之際壅壓其根仍伐去枯

根不令礙樹逢春尤易發生

鄧慶棠荔支譜荔子原無用核種者皆用好枝刮去外皮以土包裹待生白根如毛再用土覆一過以臘月鋸下至春隨生新葉他木栽時皆去枝葉獨荔樹要留宿葉承露若葉去露槁則無生機余嘗六七月鋸荔支蘆新根方生無不存活最怕日曬必求稍陰涼處時時灌水方易生葉

羣芳譜荔支有間歲生者謂之歇枝有仍歲生者半生

半歇也春花之際傍生新葉其色紅白六七月時色已
變綠此明年開花者也今年實者明年歇枝也最忌麝
香或遇之花實盡落其熟未更採摘蟲鳥皆不敢近或
已取之蝙蝠蜂蟻爭來蠹食園家破竹五七尺搖之荅
荅然以逐蝙蝠之屬

錦荔枝附

錦荔枝一名癩葡萄元時名紅姑娘即詩所云苦瓜也
出南蕃今閩廣江南皆有之蔓生葉如葡萄有微刺蔓

上有鬚莖葉皆柔七八月開小黃花五瓣如碗形結瓜有長短二種色青綠熟則紅黃皮上礫砢架作屏斑斑如錦紅綠陸離最為可玩瓜味微苦小熟之調以薑醋可為蔬清痰火和肉煮食亦佳其中肉赤如血味甘美春時種秋結實其子形扁如瓜子亦有痲癰可入藥

欽定四庫全書



欽定四庫全書

龍眼



龍眼

龍眼一名益智

廣雅云益智龍眼也

一名比目一名圓眼一名蜜

脾一名燕卵一名繡水團一名海珠叢一名川彈子一

名亞荔支一名荔支奴閩廣蜀道出荔支處皆有之樹

似荔支高一二丈枝葉微小葉似林檎凌冬不凋春末

夏初開細白花七月實熟大如彈丸肉薄於荔支白而

有漿甘如蜜質味殊絕純甜無酸實極繁作穗如葡萄

每穗五六十顆殼青黃色性畏寒白露後方可採摘性

甘平無毒安志健脾補虛開胃除蠹毒去三蟲久服輕身不老裨益聰明故又名益智非今醫家所用之益智子食品以荔支為貴而資益則龍眼為良蓋荔支性熱而龍眼平和也

農政全書白露後採用海瀣浸一宿取出曬乾用火焙之以核乾硬為度如荔支法收藏之成朶乾者名龍眼錦

山龍眼
附

山龍眼出廣中夏月熟色青肉如龍眼亦龍眼之野生者也

龍荔附

龍荔狀如小荔支而肉味似龍眼木之身葉亦似二果故名三月開小白花與荔支同熟但可蒸食不可生噉令人發癩見鬼物出嶺南

橘



橘

橘一名木奴樹高丈許枝多刺生莖間葉兩頭尖綠色

光面濶寸餘長二寸許四月生小白花清香可人結實

如柚而小至冬黃熟大者如杯包中有瓣瓣中有核實

小如柑味甘微酸種類不一有蜜橘

其味最甘黃橘扁小多香霧橘

之上綠橘紺碧可愛不待霜後色味已佳隆冬采之生意如新

朱橘實小色赤如火

塌橘

狀大而扁外綠心紅巨包橘外薄肉盈其脈辦多液經春熟乃甘美

綿橘微小極輟

美可愛而不多結

沙橘

細小凍橘八月開花冬結春采

早黃橘

秋半穿心

橘

實大皮光
心虛可穿

荔枝橘

膚理皺密儼如
荔枝出衡陽

乳橘

狀似乳柑皮
堅韌多味絕

酸油橘

皮似油飾中堅
外黑橘之下品

自然橘

他橘與柑必以枝接之
惟此則以橘子下種故

名自然
味甚美

出蘇州台州西出荊州南出閩廣撫州皆不如

溫州者為上也王敬美曰閩中柑橘以漳州為最福州

次之樹多接成惟種成者氣味尤勝橘肉生痰聚飲不

益人若煎以蜜充果食甚佳或蜜或薰作餅尤妙亦可

醬淹作蒞花以之蒸茶向為龍虎山進御絕品園中宜

多種多收核葉皆苦平無毒可入藥

書禹貢厥包橘柚錫貢

傳小曰橘大曰柚疏橘柚二果其種本別以實相比則柚大橘小

文昌雜錄南方柑橘雖多然亦畏霜每霜時亦不甚收惟洞庭霜雖多仍無所損詢彼人云洞庭四面皆水也水氣上騰尤能辟霜所以洞庭柑橘最佳歲收不耗正為此爾

羣芳譜種植種子及栽皆可以枳樹截接或貼接尤易

成宜肥地至冬須以大糞壅培則來年花實俱茂遇旱以米泔灌溉則實不損落根下埋死鼠則結實加倍物類相感志云橘見尸而實繁涅槃經云如橘見鼠其果實多

避暑錄話凡橘一畝比田一畝利數倍而培治之功亦數倍於田橘下之土幾於用篩未嘗少以瓦甃雜之田自種至刈不過一二耘而橘終歲耘無時不使見纖草地必面南為屬級次第使受日每歲大寒則於上風焚

糞壤以溫之

多能鄙事茅灰及羊矢壅之多生實十一月內將橘樹根寬作盤澆大糞三次至春用水澆一次花實必茂便民圖纂十月後將金橘安錫器內或芝麻雜之經久不壞若橙橘之類藏菜豆中極妙弗近米邊見米即爛

柑

金匱要略

卷六十五



柑

柑

古作甘 開寶本草云柑未經霜時猶酸霜後甚甜故名柑子 梅溪詩注云他果非無甘者惟柑從甘言最

也

生江南及嶺南閩廣溫台蘓撫荆為盛川蜀次之樹

似橘少刺實亦似橘而圓大霜後始熟味甘甜皮色生

青熟黃比橘差厚理稍粗而味不苦惟乳柑山柑皮可

入藥橘實可以久留柑實易腐敗柑樹畏冰雪橘樹畧

可耐此柑橘之異也乳柑

出溫州泥山為最其味似乳酪故名其木婆娑其葉纖長

其花香韻其實圓正其膚理如澤蠟其大六七寸其皮薄而味珍脉不黏瓣食不留滓一顆僅一二核亦有全

無者擘之香霧噴
人為柑中絕品
海紅柑
柑小而實極大有圍及尺者皮厚色紅可久藏今獅頭柑

亦其
洞庭柑
出洞庭山皮細味美其色如丹其熟最早
甜柑
類洞庭而大每顆八瓣未霜先

黃比他
饅頭柑
近蒂如饅頭尖味香美
生枝柑
色青膚麤味似石榴微酸可耐久霜

時留之枝間俟味變甘
平蒂柑
出成都大如升色蒼黃
朱柑
類洞庭而

帶葉而折新美可愛
木柑
膚理堅頑瓣大而乏膏外強中乾故名以木
又

破之漬以鹽始可食
有白柑沙柑之類性大寒治腸胃熱毒解丹石止異渴

多食令人脾冷生痰發痼癖皮調中下氣

廣羣芳譜橘錄歲當重陽色未黃採之名曰摘青及經

霜之二三夕遇天氣晴霽羣以小翦就枝間平蒂斷之輕置筐篋護之必謹懼其香霧之裂則易壞尤不便酒香凡採者竟日不敢飲柑橘宜斥鹵之地種時高者畦壟溝以泄水每株相去七八尺歲四鋤冬月以泥壅根夏時以糞溉之

物類相感志藏柑子以盆盛用乾潮沙蓋之

佛手柑

附

佛手柑木似朱欒而葉尖長枝間有刺植之近水乃生

其實狀如人手有指有尺餘者皮如橙袖而厚皺而光
澤其色如瓜生綠熟黃其核細味不甚佳而清香襲人
置衣笥中雖形乾而香不歇

本草南人雕鏤花鳥作蜜煎食

橙



橙

橙樹似橘有刺實似柚而香晚熟耐久大者如盃經霜始熟葉大有兩刻缺如兩段皮厚感衄如沸香氣馥郁可薰衣可芼鮮可和菹醢可為醬齏可蜜煎可糖製為橙丁可蜜製為橙膏可和湯待賓客可解宿酒速醒唐鄧間皆有江南尤多栽植與橘同多食傷肝氣發虛熱同獮肉食發頭旋惡心洗去瓢中酸汁和鹽蜜煎成貯食止惡心能去胃中浮氣惡氣皮消食下氣去胃中浮

氣和鹽貯食止惡心

香櫟



香櫟

香櫟一名枸櫟柑橘之屬嶺南閩廣江西皆有之實大如小瓜皮若橙而光澤可愛肉甚厚白如蘿蔔而鬆虛雖味短而香芬大勝置衣笥中經旬猶香古作五和糝用之

金橘



金橘

金橘一名金柑

橘錄云金柑在他柑特小大者如錢小者如龍目色似金

一名盧橘

本草云此橘生時青盧色黃熟則如金故有金橘盧橘之名盧黑色也

一名夏橘

本草云此橘冬

夏相繼廣州志謂之夏橘

一名山橘

嶺表錄云山橘子大如土瓜次如彈丸金色薄皮而味酸一

名給客橙

本草云香芬如橙可供給客也魏王花木志云蜀有給客橙似橘而非若柚而香亦名盧

橘

一名小木奴

見元稹詩

生吳越江浙川廣間出營道者為

冠江浙者皮甘肉酸次之樹似橘不甚高大五月開白

花結實秋冬黃熟大者徑寸小者如指頭形長而皮堅

肌理細潤生則深綠熟乃黃如金味酸甘而芳香可愛
糖造蜜煎皆佳廣人連枝藏之入醢醋尤香美

便民纂要金橘將枳棘接之八月移栽肥地灌以糞水

金豆 附

金豆一名山金柑一名山金橘橘錄云生山徑間比金
柑更小形色頗類結實繁多肉瓣不可分止一核

羣芳譜木高尺許實如櫻桃生青熟黃形圓而光溜皮
甜可食味清而香美可蜜漬

柚



袖

袖

與櫛同古作櫛博雅又謂之櫛七候反

一名條

爾雅云條袖注云似橙實酢

一名壺

甘

本草云狀如鹵故名壺象形也古今注云甘實形如石榴者謂之壺甘

一名臭橙

桂海虞衡

志又謂之臭柑

爾雅謂之櫟又曰檨

爾雅云櫟檨注云柚屬也大如孟

廣雅謂

之鐺袖

本草云鐺亦壺也廣州記云鐺袖實大如斗

袖實大而粗三月開花

奇大香甚馥郁實亦如橘有甘有酸皮厚而臭樹葉皆

類橙實有大小二種小者如柑如橙俗呼為蜜甯大者

如升如瓜俗呼為朱欒有圍及尺餘者俗呼為香欒閩

中嶺外江南皆有之南人種其核云長成以接柑橘甚良又有名文蛋名仁惠者亦柚類也

橘錄朱欒作花比柑橘絕大而香就樹採之用篋香細作片以錫為甌入花一重則實香一重使花多於香仍竅甌旁以溜汗液用器盛之炊畢去花以液浸香再蒸凡三換花始暴乾入甌器密盛之他時焚之如在柑林中凡柑橘並金柑皆可切瓣壓去核漬之以蜜金柑著蜜尤勝他品取朱欒核洗淨下土中一年而長名曰柑

明年移而疏之又一年木大如小兒拳遇春月乃接取諸柑之佳與橘之美者經年向陽之枝以為貼去地尺餘細鋸截之剔其皮兩枝對接掬土實其中以防水弱護其外麻束之過時而不接則花實復為朱欒矣

枳附

枳木如橘而小高五七尺葉如橙多刺春生白花至秋成實七八月採為實九月十月採者為殼今醫家以皮厚而小者為枳實完大者為枳殼

周禮考工記橘踰淮而北為枳

枸橘附

枸橘處處有之樹葉並與橘同但幹多刺三月開白花
青藥不香結實大如彈丸形如枳實而殼薄不香



橄欖



橄欖

橄欖一名青果一名諫果一名忠果

宋王禹偁橄欖詩我今何所喻喻彼

忠臣辭齊東野語黃浩翁云餘甘橄欖二物可名之為諫果也

南人謂之格覽

見元郝經陵川

詩注

生嶺南閩廣諸郡及沿海浦嶼間皆有之樹似木櫨

而高大數圍端直可愛枝皆高聳葉似櫨柳二月開花

八月結子狀如長棗色青兩頭皆尖先生者居下後生

者漸高深秋方熟核亦兩頭尖而有稜核內有三竅竅

內中有仁可食其類有綠欖

色青綠核內無仁有亦乾小

烏欖

色青黑肉

爛而甘取肉搥碎乾自有霜如白鹽謂之攪醬仁最肥大有紋層疊如海螺蛸色白外有黑皮最甘嫩又

有一種波斯橄欖

出邕州色類相似但核作兩瓣

一種方欖

出廣西兩江峒中似

橄欖而有三角或四角即波斯橄欖之類也

野生者樹峻而子繁蜜漬鹽醃

皆可藏久用之致遠作佳果生嚼味苦澀微酸良久乃

甘美生食煮汁飲並生津止渴開胃下氣治喉痛消酒

毒住泄瀉解一切魚鱉毒及骨鯁閨中尤重其味云咀

之口香勝雞舌香

嶺表錄異橄欖樹有野生者樹峻不可梯緣但刻其根

下方寸許內鹽於其中一夕子皆自落

種樹書橄欖將熟以竹釘釘之其實盡落

鄰幾雜志橄欖木并花如檮將採其實剝其皮以薑汁塗之則盡落

木威

附

本草拾遺木威生嶺南山谷樹高丈餘葉似楝子如橄欖而堅亦似棗削去皮可為粽食

餘甘子

附

餘甘子兩廣諸郡閩之泉州及西川戎瀘蠻界山谷皆有之


南方草木狀花黃實似李青黃色核圓作六七稜食之先苦後甘

異物志其樹葉如槐葉其枝如柘其子圓大如彈丸有文理如定陶瓜

本草木高一二丈枝條甚軟葉青細密朝開暮斂如夜合而微小春生冬彫三月有花著條而生如粟粒隨即

結實作筵每條三兩子至冬而熟連核作五六瓣乾即
並核皆裂俗作果子嗽之泉州山中亦有狀如川棟子
形圓味類橄欖亦可蜜漬鹽藏其木可製器物

椰子



椰子

椰子一名胥餘嶺南州郡皆有之樹葉如栟櫚高六七丈無枝條其實大如寒瓜外有粗皮皮次有殼圓而且堅剖之有白膚厚半寸味似胡桃而極肥美有漿飲之得醉

寰宇記椰子樹似檳榔而高大葉長一尺無陰結實一房生三十餘子如瓜其殼中有白如熊白內有漿一升清如水甜如蜜飲之愈渴疾殼堪為酒壺皮堪縛船土

人多種之

寇宗奭曰椰子開之有汁白色如乳如酒極香別是一種氣味強名為酒中有白瓠形圓如枯樓上起細壘亦白色而微虛其紋若婦人裙褶味亦如汁與着殼一重白肉皆可糖煎為果其殼可為酒器如酒中有毒則酒沸起或裂破今人漆其裏即失用椰子意

農政全書椰用甚多南中人樹之者資生之類大率在焉

海槎餘錄椰子樹初栽時用鹽一二斗先置根下則易發

無花果



無花果

無花果一名映日果一名優曇鉢一名阿駟一名蜜果
最易生插條即活在處有之三月發葉樹如胡桃葉如
楮子生葉間五月內不花而實狀如木饅生青熟紫味
如柿而無核人家宅園隨地種數百本收實可備荒其
利有七實甘可食多食不傷人且有益尤宜老人小兒
一也乾之與乾柿無異可供邊實二也六月盡取次成
熟至霜降有三月常供佳實不比他果一時採擷都盡

三也種樹十年取效桑桃最速亦四五年此果截取大枝榦插本年結實次年成樹四也葉為醫痔勝藥五也霜降後未成熟者採之可作糖蜜煎果六也得土即活隨地可種廣植之或鮮或乾皆可濟饑以備歉歲七也倦游錄木饅頭京師亦有之謂之無花果狀類小梨中空既熟色微紅味頗甘酸嶺南尤多

羣芳譜榦插春分前取條長二三尺者插土中上下相半常用糞水澆葉生後純用水忌糞恐枝葉太盛易摧

折結實後不宜缺水當置瓶其側出以細雷日夜不絕
果大如甌

文官果



文官果

文官果樹高丈餘皮粗多礪柯木理甚細堪作器物葉似榆而尖長周圍鉅齒紋深春開小白花成穗花五瓣每瓣當中微凹有紅筋貫之蒂下有小青托花落結實大者如拳一實中數隔間以白膜仁如馬櫛榔無二裹以白軟皮大如指頂去白皮食其仁甚美多雨及勤澆則實成者多若遇旱則實狹小而不成其果一包中多藏子子多白色紋旋轉如卷蕉味甘香如嫩蓮藕

欽定授時通考卷六十五

欽定四庫全書

欽定授時通考卷六十六

農餘

果四

甜瓜

西瓜
北瓜

蓮子

蓮藕

甘蔗

菱


芡

勃薺

慈姑

百合

甜瓜



甜瓜

甜瓜一名甘瓜一名果瓜北土中州種蒔甚多二三月下種蔓生葉大數寸五六月花開黃色六七月熟其類甚繁有團者長者尖者扁者大而徑尺者小而一捻者稜之或有或無色之或青或綠或黃斑糝斑白路黃路種種不同甘肅甜瓜大如枕皮瓢皆甘勝於蜜以皮曝乾柔韌甘美而有味浙中一種陰瓜種宜陰處秋熟色黃如金皮膚稍厚藏至春食之如新 凡瓜大曰瓜小

曰飢子曰瓢肉曰瓢跗曰環帶曰寔其畏麝諸瓜皆同
凡食瓜過多但飲酒或水服麝或食鹽花即消化性寒
滑無毒少食止渴除煩熱利小便通三焦壅塞夏月不
中暑多食動宿冷病破腹手足無力

詩幽風七月食瓜

爾雅飢餒其紹飢

注俗呼餒瓜為飢紹者瓜蔓緒亦著子但小如餒

禮記曲禮為天子削瓜者副之巾以締為國君者華之

巾以綌為大夫者累之士寔之庶人齧之

注副析也既削又四析之乃橫斷之而巾覆焉華中裂之不四析也累保也謂不巾覆也寔之不巾裂橫斷去寔而已齧之不橫斷

玉藻瓜祭上環

注上環橫切之圓如環也


龍魚河圖瓜有兩蒂兩鼻者殺人

羣芳譜種植二月上旬為上時三月上旬為中時四月

上旬為下時五六月止可種藏瓜耳預將生數葉便結
瓜者為本母子候熟帶自落取來截去兩頭其中段子
淘淨曝乾收作種臨種時用鹽水洗之取熟糞土種之
仍將洗子鹽水洗之得鹽氣則不籠死坑深五尺大如
斗納瓜子大豆各四粒瓜生數葉將豆掐去瓜生至初
花鋤三四次勿令生草但鋤不可傷根傷根則瓜苦候
秧拖時掐去蔓心再用熟糞培根下勤澆灌摘瓜勿令
踏蔓及翻覆之踏則瓜爛翻則瓜死若生蟻置骨其旁

引而棄之

西瓜



西瓜

西瓜一名寒瓜蔓生花如甜瓜葉大多極缺面深青背微白葉與莖皆有毛如刺微細而硬其稜或有或無其色或青或綠或白其形或長或圓或大或小其瓤或白或黃或紅紅者味尤勝其子或黃或紅或黑或白白者味更劣其味或甘或淡或酸酸者為下而本草綱目云味甘淡寒無毒除煩止渴消暑熱療喉痺口瘡解酒毒子取仁可薦茶皮可蜜煎糖煎醬醃食瓜後食其子即

不噫瓜氣以瓜劃破曝日中少頃食之頗涼收藏得法可至來年春夏近糯米及酒氣則易爛

羣芳譜種植秋月擇其瓜之嘉者留子曬乾收作種欲種瓜地耕熟加牛糞至清明時先以燒酒浸瓜子少時取出漉淨拌灰一宿相離六尺起一淺坑用糞和土壅之於四周中留鬆土種子其中不得復移瓜易活而甘美栽宜稀澆宜頻糞宜多蔓短時作綿兜每朝取蟲恐食蔓長則已頂蔓長至六七尺則掐其頂心令四旁生


蔓欲瓜大者每科揀其端正旺相者止留一瓜餘蔓花
皆掐去則實大而味美性畏香尤忌麝觸之乃至一
顆不收

北瓜

附

形如西瓜而小皮色白甚薄瓢甚紅子亦如西瓜而微
小狹長味甚甘美與西瓜同時想亦西瓜別種也

蓮子



蓮子

蓮子一名藕實一名澤芝蓮房成萢萢在房如蜂子在窠六七月采嫩者生食脆美至秋房枯收之去黑殼謂之蓮肉黑而沈水者其堅如石謂之石蓮子其房大者謂之百子蓮味甘平瀉無毒交心腎厚腸胃固精氣強筋骨補虛損利耳目除寒熱治諸血病熟食良切碎可作粥飯生動氣易脹宜去心

爾雅荷芙蕖其實蓮其中的的中薏

疏李巡曰芙蕖其總名也的蓮實也薏中心也陸璣
疏云蓮青皮裹白子為的的中有青為薏

又的藪

註即蓮實

埤雅花時即有實始而黃黃而青青而綠綠而黑中肉
白內青心二三分為苦薏


齊民要術八九月取堅黑蓮子瓦上磨尖頭令皮薄取
瑾土作熟泥封三指長令蒂頭泥多而重磨頭泥少而

尖種時擲至池中重頭向下自能周正薄皮在上易生
數日即出不磨者卒不可生

食療本草服食不饑石蓮肉蒸熟去心為末煉蜜丸桐
子大日服三十丸此仙家方也

陸璣詩疏蓮葍可磨以為飯如粟也輕身益氣令人強
健又可為糜幽州揚豫取備饑年

蓮藕



蓮藕

蓮藕湖澤陂池皆有之以蓮子種者生遲以藕芽種者最易發其芽穿泥成白藕即蠶也長者至丈餘五六月嫩汲水取之可作蔬茹俗呼藕絲菜節生二莖一為藕荷其葉貼水其下旁行生藕一為芰荷其葉出水其旁莖生花冬月至春掘藕食之藕白有孔有絲大者如肱臂長六七尺凡五六節大抵野生及紅花者蓮多藕劣種植及白花者蓮少藕佳白花藕大而孔扁生食味甘

煮則不美紅花及野藕生食味澀蒸煮則佳氣味甘平
無毒消食解渴散氣生肌蒸食開味補五臟實下焦搏
浸澄粉服食輕身益年與蜜同食令人腹臍肥不生蟲
亦可休糧

爾雅藕荷芙蕖其本菡其根藕

注菡乃莖下白藕在泥中者

埤雅藕生生應月月生一節遇閏輒益一節收藏好肥
白嫩藕埋陰濕地可經久如新欲致遠以泥裹之則不

壞

甘蔗



甘蔗

甘蔗叢生莖似竹內實直理有節無枝長者六七尺短者三四尺根下節密以漸而疎葉如蘆而大聚頂上扶疎四垂八九月收莖可留至來年春夏王灼糖霜譜云有數種曰杜蔗即竹蔗綠嫩薄皮味極醇厚專用作霜曰白蔗一名荻蔗一名芴蔗一名蠟蔗可作糖曰西蔗作霜色淺曰紅蔗亦名紫蔗即崑崙蔗也止可生啖不堪作糖江東為勝今江浙閩廣蜀川湖南所生大者圍

數寸高丈許又扶風蔗一丈三節見日即消遇風則折
交趾蔗特醇厚本末無厚薄其味至均圍數寸長丈餘
取汁曝之數日成飴入口即消彼人謂之石蜜多食蔗
飴血燒其滓烟入目則眼暗

齊民要術說文曰藷蔗也按書傳或為芊蔗或干蔗或
邯睹或都蔗所在不同

又家法政曰三月可種甘蔗

羣芳譜種植穀雨內於沃土橫種之節間生苗去其繁

菱



菱

菱一名菱

爾雅云菱葢據註云今水中菱禮記疏云菱也屈到者菱即菱角也武陵記云兩角者

菱三角四角者菱本草綱目云其葉枝散故字從菱其角後峭故謂之菱而俗呼為菱角楊慎以菱為鵝頭者

誤也 一名水栗

見風俗通

一名沙角

見本草

一名薜若

說文云楚謂之菱秦

謂之薜若

生水澤處處有之落泥中最易生種陂塘者為家

菱葉實俱大野生者小皆三月生蔓延浮水上葉扁而


有尖光面如鏡葉下之莖有股如蝦股一莖一葉兩兩

相差如蝶翅狀五六月開花黃白色實更肥美有無角

者其色嫩青老黑又有皮嫩而紫色者謂之浮菱食之尤美李時珍曰其實或三角四角兩角無角家菱角軟而脆亦有兩角彎卷如弓形者其色有青有紅有紫嫩時剥食皮脆肉美老則殼黑而硬墜入水中謂之烏菱冬月取之風乾為果生熟皆佳野菱其角堅直刺人其色嫩青老黑嫩時剥食甘美老則蒸熟食之野人曝乾剥米為飴為粥為糕為果皆可代糧其莖亦可暴收和米作飴以救荒救蓋澤農有利之物也

羣芳譜種植秋間取熟黑者撒池中来春自生

芡



芡

芡一名鷄頭

古今注云芡鷄頭也一名芡方言云北燕謂之蓂青徐淮泗之間謂之芡南楚江湘

之間謂之鷄頭或謂之烏頭

非云其蓬似鷄首故謂鷄頭 一名雁喙一名雁頭一

名鴻頭

爾雅翼云葉有芒刺兼有荷若鷄雁之頭故有諸名

一名鷄塵

見莊子

一名

卵菱

見管子

一名蓂子

本草經注云芡實即今蓂子也圖經云其莖嫩者名蓂亦名蓂菜

一名水硫黃

孫公談圃云芡甘滑可食名為水硫黃詳見東坡雜記

生水潭中處

處有之三月生葉貼水大於荷葉皺文如縠感血如沸


面青背紫俗名鷄頭盤莖葉皆有刺莖長丈餘有孔有

絲嫩者剝皮可作蔬茹五六月開紫花結苞外有刺如
蜆花生苞頂如鷄喙內有斑駁軟肉裏子累累如珠璣
殼內白米狀如魚目薏苡大味甘平瀉無毒補中強志
聰耳明目開胃助氣止渴益腎除溼痺腰脊膝痛久服
身輕不饑耐老莖止煩渴除虛熱生熟皆宜根狀如三
稜煮熟如芋可食治心痛氣結病

羣芳譜種植秋間熟時取實之老者以蒲包包之浸水
中三月間撒淺水內待葉浮水面移栽淺水每科離二

尺許先以麻餅或豆餅拌勻河泥種時以蘆記為根十
餘日後每科用河泥三四碗壅之

薺 藟



勃臍

勃臍一名芍一名鳧茈

爾雅云芍鳧茈爾雅翼云名為鳧茈當是鳧好食之

一名

鳧茈

本草綱目云鳧茈音訛也

一名黑三稜一名地栗

皆形似也曰用本草云小

者為勃臍大者為地栗

舊名烏芋

以形似芋而色烏也

今皆名勃臍

又鳧茈音訛也

生淺水中其苗三四月出土一莖直上無枝葉狀如龍

鬚色正青肥田生者麤似細葱高二三尺其本白蒨秋

後結實大者如山查栗子臍有聚毛纍纍下生入泥底

野生者黑而小食之多滓種出者皮薄色淡紫肉白而

大軟脆可食味甘微寒滑無毒治消渴除胸實熱氣作
粉食厚腸胃療膈氣消宿食黃疸治血痢下血血崩辟
蠱毒消誤吞銅鐵

羣芳譜種宜穀雨日

慈姑



慈姑

慈姑


或作
茨菰

歲根生十二子如慈姑之乳衆子故名爾雅

翼云歲有閏則生十三子一名藉姑一名水萍一名河
鳧此一名白地粟苗名剪刀草一名翦搭草一名燕尾
草一名槎丫草莖韃似嫩蒲又似三稜苗甚軟其色深
青綠每叢十餘莖內抽出一兩莖上分枝開小白花四
瓣葉深黃色根大者如杏小者如栗色白而瑩滑五六
七月采葉正二月采根煮熟味甘甜時人以作果

羣芳譜種植慈姑豫於臘月間折取嫩芽種於水田來
年四月盡如種秧法種之離尺許田最宜肥每顆花挺
一枝上開數十朶色香俱無惟根至秋冬取食甚佳

百合



百合

百合一名翻一名張瞿一名蒜腦藹一名夜合根如葫
蒜數十片相累或云是蚯蚓相纏結變作之其葉短而
濶微似竹葉白花四垂者百合也葉長而狹尖如柳葉
紅花不四垂者山丹也莖葉似山丹而高紅花帶黃而
四垂上有黑斑點其子先結在枝葉間者卷丹也又有
一種色微綠者開花最遲俗名真百合

四時類要二月種百合此物尤宜雞糞每坑深五寸如

種蒜法又云取根曝幹搥為麪細節甚益人

農政全書宜肥地加雞糞熟鋤春取根大者劈雜於畦
中如種蒜法五寸一科二月半鋤之滿三遍則不鋤不
長三年大如盞頻澆則花開爛熳清香滿庭秋分亦可
分

欽定授時通考卷六十六